



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Philippo Rege Francorum, qui in Abbatis sancti Victoris simplici
taciturnitate aedificatus, aduersarios copescunt, cap. 12.

urn:nbn:de:hbz:466:1-13177

hæ bona. Ad quod Abbas: Sint ergo tua tibi, ego de cætero non repetam illa. Sicque reuersus est ad Claramuallem. Miles etiam ad vxorem suā quasi victor rediēs, cùm ei per ordinē recitasset quid Abbas dixisset, vel quid ipse egisset, illa territa ad verba tā pura & rā, simplicia respōdit: Dolosè egisti cōtra Abbatē sanctū, vltio diuina nos puniet: nīsi monasterio bona sua restituas, consortio meo carebis. Territus ille, ad Claramuallem venit, bonis vltro renunciauit, de indebita vexatione sancti Abbatis veniam postulauit. Vir iste beatus temporibus seniorum nostrorum visitauit in Claustro: erat autem secundū carnem nobilis, & consanguineus Philippi regis Franciæ, qui præcipius amator erat sancte simplicitatis.

CAPVT XII.

Retulit mihi Constantinus monachus noster, quod eo tempore, quo Parisijs in studio fuit, Ioannes Abbas sancti Victoris, qui natione theutonicus est, cum quibusdam nobilibus & magnis viris pro magno allodio coram rege Philippo placitauerit. Qui cùm secum adduxisset quosdam ex fratribus, viros literatos & iurisperitos, haberentque aduersarij aduocatos in causis exercitatos, partibus hinc inde respondentibus, Abbas simpliciter sedens, necrum verbum ad allegata respondit: ita ut magis videretur vacare orationi, quam allegationi. Hoc cùm Rex cōsiderasset, ait Abbat: Domine Abba, quare vos nihil loquimini? Respondēte Abbate multu leniter, & valde simpliciter: Domine nescio quid loqui. Edificatus Rex & compunctus subjecit: Reuertimini vos in claustrū vestrum, & ego loquar pro vobis. Post quorum discessum Rex, irā simulans, dixit militibus: Ego præcipio vobis sub interminatione gratiæ meæ, ne de cætero sanctum Abbatem istum inquieteris. Sicque factum est, vt bona quæ fratres obtinere non poterant per multas querimonias, sola apud regē obtineret Abbatis simplicitas. Et est impletum in eo illud Moysi: Dominus pugnabit pro vobis, & tacebitis. *Exod. 14* Alijs tibi adhuc ostendā exemplis, qualē locum vene-

Z ratio;

C A P V T . X I I I .

TEmpore quodam clerici Laudunenses, episco-
po suo defuncto, quendam ex suis fratribus ca-
nonicum simplicem in Episcopum eligentes,
sub his verbis prædicto Regi illum præsentauerunt:
Domine nos præsentamus vobis dominum Emelrici
electum nostrum, hoc ei nomen erat. Rege tacente, &
formam illius præsentationis considerante, tandem
respondit: Quem præsentatis mihi? dominum, inqui-
unt, Emelicum. Et Rex, Vultis aliquid plus dicere? il-
lis timentibus, ne forte aliquid regi displiceret in per-
sona, vel in verbis præsentationis, responderunt: Ni-
hil domine: Tunc ait rex, Rarò audiuī talem præsen-
tationem, quando aliquis mihi præsentatur electus,
nomen dignitatis eius exprimitur ab electoribus, in
hunc modum: Domine nos præsentamus vobis do-
minum N. Archidiaconum, Præpositum, Decanum,
vel Scholasticum nostrum: fateor vobis, satis mihi pla-
cket tam simplex simplicis canonici præsentatio, & id
circo spero quod a Deo facta sit ipsa electio. Nihil
qualiter in iam dictis dignitatibus electiones celeb-
ratur? si Scholasticus est, causas canonorum suorum
fouendo, tum propter literaturam, tum propter com-
paratam amicitiam, ab ipsis in Episcopum eligitur. Si
Decanus est, hypocrisi sua fratum excessus dissimu-
lando, cognatos & amicos introducit, a quibus sub-
limatur. Si Archidiaconus vel Præpositus est, utpote
vir nobilis, parentum potentia magis intruditur qui
eligitur. Ecce hæc est causa, quare capita ecclæsia sunt
inrrima. Deinde conuersus ad electum ait, Domine
Emelrice, quia electio vestra videtur mihi esse sim-
plex, rationabilis, & canonica, non vobis deero, ubi
cunque mei indigueritis. Lambertus monachus no-
ster, qui mihi hæc retulit, eodem tempore dicit se fuisse
Parvulus. Qualis verò ac quantus fuerit huius Regis
circa simplices affectus, sequentis operis declarat
effectus.

C 4